

APRELI 2014

Bulletin

Incwadi ethunyelwa amalungu e-Bhunga le Overstrand esesikweni

AB AHLALI BANEZINDLU EZITHI BONA NGOKU



USodolophu uNicolette Botha-Guthrie, uCeba uRudolph Smith noMercia Andrews, namagosa ezobonelelo ngezindlu bebhoko kulo msitho.

Abantu abaninzi bebonganyelwe luvuyo nemincili besakuba ukuba ngoku banezindlu zabo.

NgoLwesihlanu umhla we-7 Matshi 2014 abakho ngaphantsi kwe-100 abantu baseHawston abanikezelwe iitayile zemihlaba yabo nguSodolophu uNicolette Botha-Guthrie encediswa nguCeba uRudolph Smith. Ezinye iitayile ezili-127 ziye zanikezelwa ngabalawuli apha enyangeni.

USodolophu kwintetho yakhe uye wagxininisa ekubalulekeni kwetayitile. Ukhuthaze abo bazi-

zuzileyo ukuba babe nenkathalo ngako oko bazi ukuba zizindlu zabo ezi.

"Itayitile bubungqina obungenakuphikiswa bokuba ubani ungumnini. Itayitile inika isidima, ukhuseleko namanye amalungelo kumnini nabaxhomekeke kuye. Kananjalo inika ithuba lokuphucula ezoqoqosho njengoko umnini engawuthengisa umhlaba wakhe. Ukuba umnini ufuna ukwuphucula umhlaba wakhe (nto leyo ekhokelela ekuphucukeni komgangatho woku-phila), angamisa ngetayitile ebhankini afumane

uncedo lwemali-mboleko. Ngaphezulu umnini-mhlaba anganikezela ngomhlaba wakhe kulowo afuna ukumnika ilifa," utshilo uSodolophu uBotha-Guthrie.

Ngokutsho kukaFrankie Frans, uManejala: ULawulo loBonelelo ngezindlu, sele kukho iitayitile ezingama-582 ezibhalisiweyo eHawston, kube kho ezingama-270 ezintsha zonyaka-mali wowama-2013/2014. Ezi zibhalisiweyo ziyinxalenye yezo zazinikezelwa ngomhla we-7 Matshi 2014.

YIYA KUVOTA NGOMHLA WE- 7 MEYI

Abantu boMzantsi Afrika baza kuba bevota ngoLwesithathu umhla we-7 Meyi 2014 ukwenzela ukuba babe nelizwi malunga nokuba ngubani oza kulawula ilizwe labo elihle kakhulu. Iza kube ingunyaka wama-20 uMzantsi Afrika ukhululekile kurhulumente wocalucalulo ngoku uphantsi kolawulo lwedemokhrasi evumela wonke umntu ukuba avote.

USodolophu uNicolette Botha-Guthrie unqwenela ukukhuthaza wonke umntu - umntu ngamnye - ukuba aqiniseke ukuba uyaya kwisikhululo sokuvota abhalise kuso (jonga uludwe apha ngezantsi).

Abantu abaneengxaki emizimbini, abakhubazekileyo okanye abakhulelweyo abangakwaziyo ukuya kwisikhululo sokuvota banethuba

lokufaka isicelo sokuvota kwivoti eyodwa kwi-ofisi ye-IEC eMagnolia Street, eHermanus ukususela ngomhla we-7 de ibe ngowe-17 Epreli 2014. Ungabuza kummeli we-IEC uMosile Koloko, ku-028 313 8917 okanye ku-082 942 1008.

Ivoti ezizodwa ziza kwenziwa emakhayeni abantu okanye kwizikhululo zovoto ngomhla we-5 nowe-6 Meyi 2014 phakathi kweyure ye-09:00 naye-17:00. Ulutsha oluminyaka eli-18 nangaphezulu aluzange luvote ngaphambili lukhunjuzwa ngokukodwa ngelungelo lalo lokuvota kwaye sinethemba lokunibona nonke nisebenzisa eli lungelo.

BHIYOZELA USUKU LWEHLABATHI LOCI-MOMILO NOMASIPALA WEOVERSTRAND

Ngomhla we-4 Meyi kuya kube kubhiyozelwa uSuku lweHlabathi lwabaCinimililo - usuku lokukhumbula umsebenzi omkhulu owenziwa ngamadoda nabafazi abangamagorha anceda kwiimeko zikaxakeka. Kananjalo kuza kunikwa imbeko kuloo maqhawe anikezele ngobomi bawo kwinkonzo yoluntu.

INTshona-Kapa yenye yezona ndawo kweli lizwe ezinemililo yamadlalo, apho imililo ikukutya kwemihla ngemihla ngexesha lehlobo elide elishushu. Umsebenzi weeNkonzo zeMililo, uHlangulo noLawulo lweNtlekele zikaMasipala weOverstrand ubalulekile kwiinzame zawo zokulondoloza indalo eyahlukahlukeneyo yale ngingqi.

NgoMgqibelo umhla we-3 Meyi 2014 yiba yinxalenye yabacimimililo abavela koomasipala abathatha inxaxheba eNtshona-Kapa. Ukususela ngeye-10:00 kuza kuba kho umngcelele wezithuthi ohamba apha edolophini uyokutsho e-Old Harbour National Museum ne-Whale Tail Amphitheatre.

Lo mngcelele uza kuqala kumabala emidlalo eZwelihle uye eSwarddam Road ungene eMain Road (R43) ukuya eHermanus ujike ekhohlo kwisekile enkulu ekungeneni edolophini. Uza kuhamba ngesitrato iRoyal uye kungena kwisekile iRoberts eStation Mall uqhube uhamba ngeLord Roberts uyokutsho eMarine Circle udlule ungene eMain Road ukuya kwindawo yokupaka izithuthi e-Old Harbour neGearing's Point.

Emva kwalo mngcelele abacimimililo baza kuma ngen-dlela enika imbeko eCannon War Memorial banike imbeko koogxa babo bangaphambili babhiyozele ubuhlobo boogxa babo kulo msebenzi wabo uhloniphekileyo. Iindwendwe ziza kubukela imiboniso ngemiboniso ezinokuthatha inxaxheba nazo kuyo - izinto ezifana nokwenza indesheni, imiboniso yokuhlangula, izixhobo zokulwa nemililo. Imiboniso yokulwa nemililo iza kulugcina lonwabile lonke usapho imini yonke.



INGCACISO NGENKUNKUMA!

Umasipala unqwenela ukukhumbusa kwakhona abahlali baseOverstrand ngemigaqo yothutho-nkunkuma. Kubalulekile ukuba abaninimizi nee-arhente zibazise abahlala emizini yabo nabatyaleli.

Abahlali mabaqaphele ukuba inkunkuma mayikhutshwe kuphela ibekwe ecaleni kwesitrato ngosuku lokuthuthwa kwayo.

Ingakanani inkunkuma endivumeleke ukuba ndiyikhuphe?

Ngumgqomo (wheely-bin), omnye kuphela ongama-240-litre, okanye iingxowa ezine zenkunkuma, enye kuzo ingayingxowa yenkunkuma yegadi ezinokukhutshwa zibekwe kwipavumente. Akukho nani liqingqiweyo leengxowa zezinto ezinokuphinda zise-tyenziswe (iplastiki, iglasi, iintsimbi namaphepha).

Nceda uqinisekise ukuba iingxowa zenkunkuma ezingaphezulu kommiselo zisiwa kwiindawo ezimiswe oko zingabekwa ecaleni kwemigqomo kamasipala. Asiyompilo loo nto kwaye ayibukeleki.

Apha ngezantsi luludwe lweentsuku luludwe lweentsuku ekuthuthwa ngazo inkunkuma kwiindawo ngeendawo – nceda umgqomo wakho okanye iingxowa zakho kwipavumente ngentsimbi ye-07:00 kusasa kuphela ngosuku olumiseleweyo.

IINTSUKU ZOKUTHUTHWA KWENKUNKUMA

Ulawulo	Indawo	Usuku lokuthuthwa kwenkunkuma
Kleinmond	Kleinmond, Betty's Bay, Pringle Bay, Rooi Els, Proteadorp, Extension 6, Overhills, Mountain View	NgoMvulo
Hermanus	Vermont, Fisherhaven, Voëlklip, Onrus, Chanteclair, Berghof, Sandbaai, Zwelihe, Mount Pleasant, Westcliff, Northcliff, Hermanus Industrial Area, Hemel-en Aarde, CBD, Hawston, Eastcliff, Hermanus Heights, Kwaaiwater	NgoMvulo NgoLwesibini NgoLwesithathu NgoLwesine NgoLwesine NgoLwesihlanu
Stanford	Stanford	NgoLwesine
Gansbaai	Pearly Beach, Buffelsjagsbaai, Eluxolweni, De Kelders, Masakhane, Beverly Hills, Franskraal, Kleinbaai, Baardskeedersbos, Gansbaai, Masakhane, Beverly Hills, Blompark	NgoMvulo NgoLwesibini NgoLwesithathu NgoLwesine NgoLwesihlanu

KUFUNeka UBHALISE IMOTO YAKHO OKANYE UYIFUNELE ILAYISENSI? NANGA AMANQAKU ALUNCEDO ANOKUKUNCEDA UNGAJIKWA

Phambi kokubhalisa imoto yakho okanye ukuyifunela ilayisenisi kuMasipala weOverstrand jonga kuludwe lwezinto ekufuneka unazo.

ISICELO SOKUHLAZIYA ILAYISENSI (ifomu eluhlaza engu-ALV)

- Yiza:
 - nesaziso sokuhlaziya ilayisenisi
- Ukuba isaziso silahlekile yiza:
 - Isazisi (kuquka nesalowo ukumeleyo apho kufanelekileyo)/Isiqinisekiso sobhaliso-shishini/Isiqinisekiso sobhaliso kwezendlela
 - Ifomu u-ALV ozalisiweyo
- Xa usenzela omnye umntu yiza nezi zinto zilandela (ukongeza kwezi zingentla)
 - Ileta yemvume
 - Isazisi esamkelekileyo siyafuneka (kuquka nesommeli)
- Imali ebizwa ngokuhlaziya ilayisenisi ayisoxigxina njengoko isahluka ngokwezithuthi.

ISICELO SOKUBHALISA ISITHUTHI (ifomu ebhlowu engu-ALV)

- Yiza:
 - nesazisi (kuquka nesommeli, xa kukho imfuneko)/Isiqinisekiso sokubhaliswa kweshishini/Isiqinisekiso se-Trust /Isiqinisekiso sobhaliso kwezendlela
 - Isazisi sommeli
 - Amacandelo A, B no-C azalisiweyo
 - Isiqinisekiso esingeyokopi sobhaliso
 - Isivumelwano sokuthengiselana OKANYE ifomu u-NCO - esayinwe ngabo bobabini ehamba nesazisi somntu ngamnye (umthengi nomthengisi) nesiqinisekiso sokuhlalwala
 - Isiqinisekiso sokuyilungela indlela
- Xa usenzela omnye umntu yiza nezi zinto zilandela (ukongeza kwezi zingentla)
 - Ileta yemvume
 - Isazisi esamkelekileyo siyafuneka
- Imali ebizwa ngokuhlaziya ilayisenisi ayisoxigxina njengoko isahluka ngokwezithuthi.

ISICELO SOKUTSHINTSHA UBUMNINI-SITHUTHI (ifomu etyheli u-NCO)

- Yiza:
 - Nesazisi (oku kuquka nesommeli xa kukho imfuneko)/Isiqinisekiso sokubhaliswa kweshishini/Isiqinisekiso sokubhaliswa kwezendlela
 - Isazisi somthengisi nesomthengi
- Zalisa amacandelo A - Umthengisi, B - Umthengi no-C - iinkcukacha zesithuthi
- Akukho mali ibhatalwayo xa utshintsha imoto egameni lakho uyisa kwelomnye. Into ebalulekileyo kukuba ilayisenisi ibe semthethweni kwaye ibe ihlawulelwe.

Ungahlawula ngemali eziinkozo, nge-EFT, nge-cheque okanye nge-credit card.

Xa uza kubhatala ngendlela e-electronic nazi iinkcukacha zebhanki:
Ibhanki: ABSA
Igama: Overstrand Municipality
INombolo ye-Akhawunti: 322 000 0035
Branch code: 632005
Reference: Car licence number
Thumela ngefekisi ku-028 313 8916

UMasipala weOverstrand useMagnolia Street eHermanus. Iiyure zomsebenzi: NgoMvulo ukuya ngoLwesihlanu: 08:00 - 15:15 (kuvuliwe ngexesha lesidlo sasemini)

I-PROJEKTHI YAMANZI IZUZA IMBASA

Iprojekthi yaseOverstrand yokulungisa imibhobho yamanzi izuze imbasa ekhutshwa ngu-SASTT (South African Society for Trenchless Technology). Le mbasa yanikezelwa ngomhla we-18 Febuwari 2014. Ibe kokokuqala ukuba le mbasa inikezelwe kumasipala ongaphezulu kwe-metropole. Le projekthi yaqala ngowama-2007 kwaye ingaphezulu kwama-55 km imibhobho yamanzi kamasipala engama-780 km elungisiweyo kusetyenzwa kunye no-Lyners Consulting Engineers and WBHO Construction. Olu phuculo lubalulekileyo lwezibonelelo luza kuqhuba kuwo wonke ummandla kamasipala kujoliswe kwimibhobho eyonakeleyo nengenakulungiseka.



ukusuka ekhohlo ukuya ekunene: Mike King, umongameli ka-SASTT, Joop van Wamelan osuka kwa-SASTT, Mario Filippi osuka kwa-Lyners Consulting Engineers, Hanre Blignaut, USEkela-Mlawuli: Engineer Planning osuka kumasipala weOverstrand noRob van Vuuren osuka kwa-WBHO Construction.

UMDLALO WEQONGA WEPASIKA E-OLD HARBOUR

Uza kuphinda udlalwe kwakhona umdlalo weqonga wePasika (18 Epreli) e-Old Harbour, eHermanus ingunyaka we-19 ilandelelana. Lo mdlalo ubalisa ngokuzalwa, ubomi nokuxhonywa emqamlezweni yama-20:00 de ibe yeyama-21:30. Bamalunga nama-80 abahlali balapha abathatha inxaxhebal kulo mdlalo udume kwizwe lonke. Itikiti lokungena li-R100 kwaye liza kuthengiswa xa ugena. Vula isikhundla www.passiespel.co.za okanye unxibelelane noFanus Le Roux ku-078 483 3080.

I-HARMONIC BRASS evela eMünich iyeza kwakhona!



Eli qela lentambula (alt129) (trumpets, French horn, trombone ne-tuba) liqinisekile ngokuzishukumisa izihlewe kwakhona! Zithengele itikiti eBELLINI GALLERY ku- 028 312 4988 ukwenzela ukuba ungaphoswa ngulo msitho obaluleke ngokukodwa! Le konsathi iza kuba ngoMgqibelo, 10 Meyi, eCivic Auditorium eHermanus kwaye iqala ngeye-19h00. Fonela umabhalana uRené du Plooy ku- 082 940 4238 ufumane ingcaciso eyongezelelweyo.

